



ছদ্মবেশী

ডিম্বক পিকচার

ছদ্মবেশী

(গল্পাংশ)



এলাহাবাদের ব্যারিষ্টার
প্রশান্ত বসুর বাঙ্গালী ড্রাইভারের
প্রয়োজন। কলকাতায় চিঠি
লিখেছেন ভাল একজন লোক
পাঠিয়ে দেবার জন্তে। তার সব
কিছু গুণ থাকা আবশ্যিক।

শালক হরিপদ বলে, ও
রকম লোক পাওয়া যায় না।
নব-বিবাহিতা শালিকা সুলেখা]
বলে, পাওয়া গেলেও পাঠানো
হবে না। দিদি জামাইবাবু
আমার বিয়েতে এলেন না
কেন ?

সুলেখার স্বামী অবনীশ
বলে—ড্রাইভার নিশ্চয়ই যাবে।

প্রশান্ত ভারি খুসি। নোতুন
ড্রাইভার এসেছে—নাম তার
গৌরহরি। গাড়ি চালায়
ভাল, বাংলা জানে চমৎকার।
‘বিজিগীষা’ শব্দের মানেও ঠিক
বলেছে। তা ছাড়া, হরিপদবাবু
পাঠিয়েছেন এবং অবনীশদের

সঙ্গেও গৌরহরি বিশেষ পরিচিত। কিন্তু অবনীশ-ই যে গৌরহরি, একথা না
জানে প্রশান্ত, না জানে তার স্ত্রী লাভণ্য। বটামির পি-এচ. ডি অবনীশ,
সুলেখার স্বামী অবনীশ, প্রশান্তর ভায়রা-ভাই অবনীশ, আজ প্রশান্তর
ড্রাইভার ‘গৌরহরি’। প্রহসন সুরু এইখানে।

তারপর দু'দিন বাদেই স্থলেখা এলো এলাহাবাদে।

প্রশান্ত লাবণ্য সম্বরে জিজ্ঞেস করে—অবনীশ এলো না কেন?

স্থলেখা হেসে জবাব দিলে—পরে আসবে।


গৌরহরি তখন একমনে গাড়িতে পেটল ঢালছে। এ-গাড়িতেই বিকেল বেলা গৌরহরি আর স্থলেখা পাশাপাশি ব'সে এলাহাবাদের রাস্তায় বেরুল। হাইকোর্টের ফিরতি পথে এদৃশ্য দেখে প্রশান্ত অবাক! গৌরহরির পাশে স্থলেখা! ড্রাইভারের পাশে ভদ্রমহিলা! সে-ও আর কেউ নয়, তারই শ্রালিকা! মনে সন্দেহের বাষ্প জমে।

প্রহসনের এ-অবস্থায় অবনীশের দলে যোগ দিল এলাহাবাদের প্রফেসার বিনয় সেন। সহপাঠী বন্ধু। প্রশান্তর সঙ্গেও বিশেষ পরিচিত।

বিনয় এসে একদিন জানিয়ে গেল, অবনীশ চিঠি লিখেছে গৌরহরির স্বভাব-চরিত্র ভাল নয়—স্থলেখার সঙ্গে যেন না মেশে। তা ছাড়া স্থলেখার-ও নাকি একটু দুর্বলতা আছে গৌরহরি সঙ্গের।

যেই না এই চিঠি পড়া আর ব্যাং কোথায়! প্রশান্ত চ'টে কাঁই, লাবণ্য রেগে আঙন। কিন্তু তাড়াতে পারে না গৌরহরিকে—হরিপদের খাতিরে।

অবনীশ দেখলো, প্রহসন জমে এসেছে। কিন্তু এখানে ধামলে চলবে না। প্রশান্তর মেয়ে দীপুকে সাক্ষী রেখে গৌরহরি আর স্থলেখা একপালা দৈত-সঙ্গীত গেয়ে এলো খসরুবাগে গিয়ে।



এ-কথা শুনে কেলেঙ্কারীর ভয়ে প্রশান্ত আর লাবণ্য দস্তুরমত শিউরে উঠলো!

সে-রাতিরেই আর এক বিভ্রাট।

গৌরহরি গোপনে এলো স্থলেখার শোবার ঘরে, প্রহসনের শেবটুকু আলোচনা করতে। ভোরবেলা যাবার সময় ইচ্ছে ক'রে রুমালটি রেখে গেল বারান্দায়। তার এক কোনে লেখা "গৌ"।

ব্যরিষ্ঠার প্রশান্তর বুঝতে বাকি রইলো না যে কেলেঙ্কারী

চরম সীমায় উঠেছে। বরখাস্ত হলো গৌরহরি। বন্ধুবর বিনয়ের সঙ্গে পরামর্শ ক'রে গৌরহরি আর স্থলেখা পালিয়ে গেল কানপুর।

এমন সময় খবর এলো হরিপদ অবনীশকে নিয়ে এলাহাবাদ আসছে। প্রশান্ত তখন উন্মাদ হয় আর কি! অবনীশ এসে যদি জানতে পারে, স্থলেখা ড্রাইভারের সঙ্গে পালিয়েছে তখন কি উপায় হবে? কিন্তু আসছেন যিনি





তিনি যে অবনীশ ন'ন, স্মিমল
—কোলকাতায় ফিজিয়ার
প্রফেসর—বিনয়ের এক
বন্ধুর ছোট ভাই—একথা
প্রশান্ত কি ক'রে জানবে?
নকল অবনীশ এলো, ঠেঁশনে
সব কথা শুনলো, বিনয়
তাকে বুঝিয়ে-সুঝিয়ে নিজের
বাড়িতে নিয়ে এলো। এখানে
এসে নকল-অবনীশ পড়লো
লোভে আর বিপদে। লোভ—
বিনয়ের মামাতো বোন

বন্ধুধাকে দেখে, আর বিপদ—
বন্ধুধা পড়তে যায় বটানি
তারই কাছে! কিন্তু সে যে
বটানির পি-এচ-ডি অবনীশ
নয়, ফিজিয়ার-এর এম-এস-সি,
স্মিমল একথা বলতেও পারে
না, না বললে আবার অজ্ঞাত
শাস্ত্র বটানি তাকে পড়াতে



হয়। দূরে দূরে থাকলে কি হবে,
প্রাণে প্রাণে সে এরই মধ্যে
ভালবেসে ফেলেছে বন্ধুধাকে।
এমন কি মিঃ বোস নামে
বিনয়ের এক ভবঘুরে বন্ধু এসে
যখন বন্ধুধার একটি ফটোগ্রাফ
নিয়ে গেল, তখন স্মিমল অবনীশকে
ভুলে গিয়ে দস্তুরমত ঈর্ষান্বিত হয়ে



উঠলো। এর হাতে বন্ধুধার ফটো কেন? এই “কেন-র” উত্তর দিতে
বেচারী বন্ধুধা নিয়ে গেল স্মিমলকে ভবঘুরের আড্ডায়, যেখানে মিঃ
বোস সমাজের জঞ্জাল দিয়ে মাল্লুঘ গড়বার চেষ্টা করছে। স্মিমল!
বুঝলো—এরকম মাল্লুঘ একজনকে ভালবেসে বন্দী হয় না। কাজেই
সে নিশ্চিত মনে অবাধে মেলামেশা করতে লাগলো বন্ধুধার সঙ্গে।
এখানে আর এক প্রহসনের সৃষ্টি। বিনয়ের স্ত্রী লতিকা বিরক্ত হয়ে
উঠলো। অবনীশের একি অশোভন ব্যবহার! স্ত্রী থাকতে বন্ধুধার
সঙ্গে এতটা মাখামাখি কেন? বিনয় কিন্তু এদের প্রশ্রয় দিয়ে চলে। বন্ধুধা-ও
জানতো, ইনি অবনীশ মিত্র, আর কেউ ন'ন। কিন্তু একদিন বটানির
এক তীব্র প্রশ্নে নকল অবনীশ জানিয়ে দিলো যে, সে স্মিমল। বন্ধুধা রহস্য
বুঝে কৌতুক অনুভব করলো। জানাজানি হয়ে গেল, অবনীশ স্ত্রী থাকতে
বন্ধুধাকে বিয়ে করছে। প্রশান্ত লাভাণ্য অস্থির হয়ে উঠলো—স্মুলেখা
পোড়ারমুখী এমন ক'রে লোক হাসালো! এমন সময় গোরহরি আর
স্মুলেখা ফিরে এলো কানপুর থেকে। সেদিন নকল অবনীশ আর বন্ধুধার
পাকা দেখার আশীর্বাদ। এ বিয়ে বন্ধ করতে সবাই ছুটে এলো বিনয়ের
বাড়িতে। প্রহসনের শেষ দৃশ্য তখন। অভিনব আন্দোল্ল ঘটনার ভেতর
দিয়ে প্রকাশিত হলো, গোরহরিই হচ্ছেন অবনীশ, অবনীশ হচ্ছেন
আসলে স্মিমল। কাজেই কোথাও কোন অত্যাচার হয়নি। আগাগোড়াই
ছদ্মবেশীর পালা।

(১)

কোন দেশে ছিল চাঁদ
গেল কোন দেশে ।
এ পারের ফুল গেল
ঐ পারে ভেসে ।
কিবা তার পরিচয়—
কেউ জানে কেউ নয়,
চির-জানা রইলো রে,
অজানার বেশে !
বাহিরের রূপ তার শুধু যে ঠাকি রে,
অন্তরে ধরা দেয়
আড়ালে থাকি রে ।
বিরহের ছলনায়
মিলনের হৃদা হায়
খেলা তার করে শেষ
কোন খেলা শেষে ।

(২)


পরদেশীয়া রে,
ও তোর ভাঙলো বাসা
মিটলো আশা—এই ভালো !
ঘরের বাতি নিভলো বুকি
নেই আলো !—এই ভালো !
আয় রে তবে ক্লান্ত পাখি,
চিরদিনের আমি মাকী—
রঙে রঙে করবো রঙ্গিন
আঁধার ঘরের সব কালো ।—
এই ভালো !

আকাশ যে তোর নীল পেয়লা,
রাঙ্গা রোদের শরাব ঢালা :
প্রাণের মাঝে তা-ই ঢালো !
পানশালে আজ কতই ভীড় !
বিঁধলো বুক প্রেমের তীর—
নব ঠাকি
তাই ডাকি,
ভালোবাসা ছালিয়ে দিয়ে
পথে চলার দীপ জ্বালো ।—
এই ভালো, এই ভালো !



(৩)

ফুল যদি ফুটলো,
অলি যদি জুটলো,
মন চাহে মন যে ।
দূরে আর কাজ কি,
কাছে যেতে লাগ কি !—
আপনার জন যে ।



আজি মোর কুঞ্জ,
মাধবীর পুঞ্জে মধুময় সন্ধ্যা ।
এসো মোর পাত্ৰ,
বঁধু চিরকান্ত, আমি নিশিগন্ধা ।
পিয়ালের পত্র
মলয়ায় ছলছে,
পরানের দল যে
তাই ধীরে খুলছে !
পেয়লা যে শুঁচ
করো আজ পূর্ণ,
আসে ঐ রাত্রি ।
কেন ভীকু চিত্ত,
এ প্রণয় নিত্য !
মোরা চির যাত্রী ॥

(৪)

আকাশ কেন দিল ধরা নয়নে গো,
লতার কুহুম জড়ায় আমার চরণে গো !
সরম কেন বাঁধন ভাঙ্গি
গানের হুরে ওঠে রাঙ্গি—
স্বপন-ভাঙা স্বপন এলো শয়নে গো !
এ কোন রাখাল আমার বনে
বাজায় বেণু ক্ষণে ক্ষণে
ব্রজের খেলা জাগে আমার স্মরণে গো !

(৫)

আজি কে মধুবনে
শ্রামল বঁধুসনে,
কী খেলা হবে তোর
উদাসী হিয়া মোর—বলু ।
কোয়েলা রহি' রহি'
প্রণয় কথা কহি'
দিল কি তোরে লাজ
এ লাজে কিবা কাজ—বলু
অতল হিয়া তলে, প্রেমের দীপ জ্বলে
লুকানো যায় কি রে !
শ্রামল এলো ঘরে বরণ কর তারে
পাছে সে যায় ফিরে !
হারিয়ে নদী তীর
মাগরে চলে নীর,
হারাতে সব কিছু
চাহিবি কেন পিছু—বলু !

(৬)

বন্দর ছাড়ো যাত্রীরা সব
জোয়ার এসেছে আজ !
ময়ূর-পক্ষী ডুবে গেল ভাই,
ভান্সা জাহাজের কাজ,
বেলোয়ারি ঘরে ঠাকির ফাহুস
তোরা নোস ভাই,—তোরা যে মাহুস :
বুকের পাজরে লুকিয়ে রয়েছে
শত ইন্দ্রের বাজ ।

বিদায়ের বেলা পারিজাত মালা
কেহ দিবে না তো পাঁখি,
হাতে হাতে দিয়ে রাখীবন্ধন—
এক সাথে চেলো সাথী !
পিছনে থাক সে পুরণো পুণ্ড্রিণী,
নূতন ফসল ভাগ করে নিবি :
আজিকার এই কাঁটার মুকুট
হবে রে জয়ের তাজ ।

—o*o*o—

ছদ্মবেশী

ভ্রামকালিপি

জহর, ছবি, শৈলেন (এনটি'র সৌজত্রে),
ইন্দু, মিহির, রবি, রঞ্জিৎ, নুপতি,
কৃষ্ণধন, বোকেন, বেচু, কুমার, এবং
পদ্মাদেবী, শান্তিগুপ্তা, সন্ধ্যা-
রাণী, পূর্ণিমা, মীরা দত্ত,
নীরদা সুলদরী।

কারসজ্জ

পরিচালনা :: অজয় ভট্টাচার্য্য
কাহিনী :: উপেন্দ্রনাথ গঙ্গোপাধ্যায়
সহকারী :: উমা ভানুজী, অমল দত্ত, মাখন ভৌমিক
চিত্রশিল্পী :: প্রবোধ দাস
সহকারী :: রবি মজুমদার
শব্দযন্ত্রী :: শান্তু সিং
সহকারী :: পরেশ দাসগুপ্ত
সঙ্গীত :: কুমার শচীন দেব বর্মাণ
ব্যবস্থাপক :: কমল মুখার্জি
শিল্প-নির্দেশক :: সত্যেন রায় চৌধুরী
সম্পাদনা :: সন্তোষ গাঙ্গুলী

অরোরা ফিল্ম ষ্টুডিওতে গৃহীত।

অবশিষ্ট সঙ্গীতাংশ

মথুরাঞ্জির গান

আরে ছো ছো ছো ছো

কেয়া সরম কি বাং,

ভদর ঘরকা লেড়কি ভাগে

ড্রাইভার কি সাথ।

মোটর গাড়ি হাঁকতে এসে

প্রেম জমালো অন্দর ঘূসে

পরের মেয়ে বাহার ক'রে

করলো বাজি মাং।

যাঁহা ছোকরা ছুকরি লেড়কা লেড়কি

প্রেমসে বাঁধে দানা

কোন ভাগেগা কিদিকা সাথ

কুছু না যায় জানা

প্রেমসে কানা কুছু না দেখনা

সমাজ ধরম ঔর জাত।

বাঁশি ফুকে কিম্ব কালো

ঘর ছোড়ে তার মামী

গানা গা'য়ে চণ্ডীদাস

মজে গেল রামী,

ড্রাইভার এসে হর্ণ ফুকলো

বাবুর শালী পেলিয়ে গেল

(এখন) আমি ছুটি হিলি-দিলী

এ কেয়া ঝঞ্জাট।

রচনা—পতিতপাবন বন্দ্যোপাধ্যায়

মথুরাঞ্জির গান

রাম মিলে সীতা সনে

ঔর মিলে কে ?

হতুমান জাহুমান

কোলাকুলি দে।

লয়লা মিলে মজতু সনে

ঔর মিলে কে ?

মথুরা মোসাহেব

কোলাকুলি দে।

ডিল্যুয়ন্ পিক্‌চাসে'র
ছদ্মবেশী

রমেশচন্দ্র চক্রবর্তী কর্তৃক সম্পাদিত ও প্রকাশিত

৮৭, ধর্মতলা ষ্ট্রীট :: কলিকাতা

আশাখাল লিটারেচার প্রেস, ১০৬ কটন ষ্ট্রীট, কলিকাতা হইতে

রাজকুমার রায় কর্তৃক মুদ্রিত।